

مجموعہ ابوالضیا

ماسوا شاہہ مستدن دلی تطویرہ چالاش
پرتو حکمت و عرفان ایلہ تنویرہ آالش

علوم و معارفدن بحث ایدرہ و ہر ماہ عربی ابتداسیلہ اون ہشندہ نشر اولنور فنون غزتمیدرہ

نومرو ۵ [فی ۱۵ ذی القعدہ سنہ ۱۲۹۷] نسخہ سی ۳ فروش

آرقه دن باقلدیغی حالده خطوسنی (قطاسنی) آرقه سنه اکش ظرفا طاسلاقری کی نظرله لطافته مزوج برقیافت عرض ایدر. هله رفتارلی پک شوخانه و صباحه فارشی غلغله لی ایسه وجدانی بر چوق حسسیات روحانیه ایفاظنه مدار اوله جق قدر حزن و معصومانه در.

ایشته هر کون الک اولکی اشتغال بونرله در. آندن صکره سیغاره قوطوسنی آکوب ایچ زندانه داخل اولورم. فقط هر دخول و خروجده (فارچ!) دبه ایشیدیلان بر صدای مدهش اعضای بدنمی بلکه (سجیع برطرف) هر موی تنی نزه ناک ایتکده در.

ایکی اوچ بوس قطرنده دمیر چوبوقترله شطرنج واری بائیش بر قابو و تقریباً اون قیه نعلنده بر آسمه کلیدله ایکی متر و طولنده و اوچ بوس قطرنده بر دمیر سورمه تصور ایدیکر! بو تصور کزک عیننی هر نره ده کورر سه کز بلاتردد محبس قاپوسی! دبه حکم ایتکه مأذونسکز!

ایشته دیدیکم صدا بوسورمه بی تحریکدن حاصل اولقده در. پوسته وقتی تقرب ایلدیجی جهته له مکتوبه بوراده نهایت ویرمه یعنی بوهفتدک بوقدرله اکتفا ایتکه مجبورم. باقی دعا...

۱۵ ذی القعدة ۱۲۹۳
دودوس زندانی

شطرنج

شطرنج پک قدیم بر او یوندر. بعض کیمسه لر چین ده و بعض محققین هندده اختراع اولندیغنه قائلدر. لکن اسمنه باقلینجه هندده ایجاد اولندیغی حقیقه کی اقوال ده از یاده صحته قریب کور نمکده در، چونکه هندلستانده (شط) درت و (رانغ) صف عسکری معالیه اولدیغندن، بوا یکی کله دن ترکیب ایله لعب مذکور شطرانغ تسمیه ایدلش؛ و لفظ مذکور مؤخرأ بالتخریف فرس و عرب لسانلرینه ده نقل اولمش در. حتی فارسیده (شترنک) دینیر که شینک کسر یله (شطرنج) آنک معربى در.

لعب مذکورک موجودی حکیم داهر هندی و یاخود اوغلی صیصه اولمق اوزره مروی و تاریخ ایجادى میلاددن درت عصر مقدم ایدوکی محکیدر .

هنددن آسیانک اکثر بلادینه و جزیره العربیه منتشر اولدیغی کبی، بیرانس ایمراطورلغی زمانندهده بورالیه و مؤخرأ عربلر واسطه سیله اسپانیایه دخی انتشار ایتش؛ و برخیلی زمان صکره، اوروپانک سائر بلادنده شایع اولمش در .

دیرز، که طاوله (*) دیه معروف اولان (نردی) ساسانیانک ایلک پادشاهی اولان اردشیر بن بابک و قول آخره کوره بزر جهر ایجاد ایتش؛ و ایکی لوحه دن عبارت اولان تخته سنی عدد شهوره تطبیقأ ۱۲ یه تقسیم و بوللرینی ایام شهوره توفیقأ ۳۰ عداوله رق، وضع ایله زارلرینی اهل دنیانک سود و ضرری و سرور و کدری دست قضا و قدره مودوع اولدیغنه تمیل ایلش ایدی. بناء علیه فارس خلقی طاوله نک کندی طرفلرندن ایجادندن طولانی عقل و فطانتجه بلاد سائر خلقنه ادعای رحمان ایدرلردی .

وقتاکه صیصه بن داهر قوت قریحه سیله شطرنجی ترتیب ایله او عصرده هند پادشاهی اولان (بلهین) ه تقدیم ایلدکده زمانک حکمائی شطرنجی نرده مرجع عدایل دیلر؛ حتی پادشاه بر هندی طرفندن بویله بر صنعتی لعب احداث ایدلسندن طولانی فرط سرورندن شطرنجک الی الابد ضیاعدن مصون اولسی مقصدیله عموماً صنمخانه لده برر قطعه سنک حفظنی فرمان ایلدی .

محکیدر که ایجادینه مکافات اولمق اوزره «هرنه مراد ایدر سه مبدولدر!» دیه پادشاه طرفندن واقع اولان بر تکلیف تلطیفکارانه اوزرینه صیصه شطرنجک برنجی خانه سنه بر بغدادی دانه سی قونه رق، و هرخانه ده تضعیف

(*) طاوله طویل محکیدر . طویل ایسه نرد او بونلرندن بر نوع او بونک اسمی در، که حالا کشاد

اولنه رق، آلتش دردنجی خانه ده بالغ اوله جنی مقدارک کندبسنه احسان اولمسنی سردایدر . پادشاه ایسه صیصه ده « برشی ایسته سسک که لایق مکافات اولسون ؛ زیرا بوقدر عالی برابداع مقابلنده بودرجه ناچیز برشی طلب ایتک عادتاً اثر بلاهتدر . » دیه خبر کوندربر .

صیصه ایسه « احسان یوررلرسه بومقداره راضیم ؛ بشقه برشی ایسته م . » جوانی ویرمندن ، نه مقداره بالغ اولور ایسه ویرلسی بلمهین طرفندن امر اولمش ؛ ولدی الحساب اومقدار بغدادک هندستان قطعه سنده دکل بتون آسیا وبلکه دنیاده بولنه میه جنی تعین ایته سیله پادشاه صیصه عندنده محبوب قاهره ، موجد مومی الهک آخر صورتله تلطیفنه چالشمشدر .

چونکه صیصه نك ایستدیکی بغدادی زیرده هرخانهك مقابلنه اضعاقله حساب وترقیم ایدیلان جسدواده کوریه جکی وجهله ۹ کنتریلیون کسوردانه به بالغ اولور ، که کره ارضده زراعت و اقتصاف اولتان بغدادی محصولنك بومقداره بالغ اوله میه جنی بالبداهه ثابت اولور .

*

اسلامده الك ماهر شطرنجی (صولی) دیه مشهور اولان کاتب ابو بکر در ، که اوچنجی عصر هجری اعیانندن در . حتی فرط مهارتندن طولایی شطرنجک موجد ثانسی دیه شهرت بولمشدر .

مسعودی مروج الذهبده صولینك خلفای عباسیه سیه دن مکتفی بالله حضورنده اول عصرک شترنك بازیده فریدی اولان ماوردی ایله اوینادقدن صکره مشار الیه غلبه ایلدیکنی قید ایتشددر .

سلاطین عثمانیه دن دخی فاتح ایله باوزسلطان سلیم لعب مذکورده مهارتله مشهوردرلر .

الحالة هذه ایران و باخصوص هندستان طرفلرنده شطرنج اویوننده
مهارتله مشهور پک چوق ذوات موجوددر *

هر شیئی کندی هوسات سباعانه لینه تطبیقا اجرا ایلدکاری حالده بنه
باربارلخی ترکره ورن اوروپا لیلرک اوائلده حکمدارلی شطرنجی دخی
خونریزانه بر بولده اوینارلردی؛ تاریخچه مشهوردر، که (دون ژوان
دوئیش) سرابک بیچده سنه ۶۴ مترو مر بعنده بر شطرنج رسم ابتدا -
برمش؛ وکاه اسرای حریبه و فقدانی حالده محبوسینه ایکی رنگ لباس
اکسا و باشارینه طاشلرک اوصافنه موافق علامت فارقه وضع ایتدیره رک،
طاش آلمق ریته باش کسمک قاعده غدارانه سنی اتخاذ ایلشدر .

*

ایسوج قراللرندن - تاریخخارمزده تیمور باش دبه موصوف اولان -
اون ایکنجی شارل شطرنجی پک سور وضابطان عسکرینه لعب مذکوره
مداومت ایلدیرینی توصیه ایدرمش .

پروسیا قراللرندن ایکنجی فره دریق، که بیوک فره دریق دبه مشهور -
در؛ شطرنجده فوق الغایه منهک ایمش؛ حتی بر کون برادريله اوینارکن،
محاربه به مأمور جنراللرندن بری طرفندن آلدیغی مکتوبی بیله اویوننی
اکمال ایتمینجه قتح وقرانت ایتماشدر .

فره دریقک بو اویونه اولان مراقبتک درجه سنی کوسترمک اوزره
تاریخندن شو فقره بی اخراج وقید ایدرز .

« پروسیاده (اشتره بک) قریبه سی خلقی شطرنج اویوننده پک زیاده
ماهر ایلدیر؛ چونکه بو اویونی بسیموسلری فره دریقک زمانندن اوج یوز
سنه مقدم اسپانیان کتیره رک، کندیلرینه تعلیم ایلش ایدی .

« بونلرک اویونجیلقله شهرتی قرال ایشتمکده ایللرندن بش اون
کشی جلب ایله کندیسینه یکیلیرلر ایشه ویرکیلرینی ایکی قات و کندیسینی

يکيلير ايسه عفو ايتک شرطيله اويونه مباشرت ايلديلر . هر بری آری،
آری قرالی بندی . حتی بوکاده قناعت ایتیه رک، هر سنه بر شطرنج امتحان
نجیسی کوندروب، کندیلرله اوینامسینی فره در بیه تکلیف ایلدیلر .
« فره در بیه صاغ اولدیغی مدتیجه کرک ویرکی معافیتی و کرک امتحا-
نجی اعزامی دوام ایلدی . »

*

اون آلتنجی عصرده اسپانیا و پورتوغال و ایتالیا خلقی ده بو اویونه
هوس ایلدیلر .

شطرنجه دائر (قورتهز) اتمده بر اسپانیول بر کتاب تألیف ایلدیکی
کبی، مؤخرأ (پرنس او کوست بر ونشوائق لینه بورغ) دخی (کوستاوسه-
له قوز) نام مستعاری آلتنده بر کتاب یازدی .

اون سکزنجی عصرده بتون اوروپا و آمریقایه منتشر اوله رق، لو-
ندره ده مبلغ کلی مقابلنده بختلرله اوینامغه باشلادی .

الیوم اوروپانک هر طرفنده پک چوق مداوماری بولنور؛ حتی بعض
مراقیلرک تلغراف واسطه سیمه شطرنج اوینادقلری واقع در .

شطرنجک دقائق و دسایسی حقنده بر خیلی مدونات وارد . حتی فن
طبعک ایجادنده اک اول دستکاه طبع و تمثیله وضع اولنان کتاب شطرنجه
دائر بر مجله ایدی .

الیوم یالکز شطرنجیدن باحث رسائیل موقوته دخی نشر اولنور؛
واکثر مصور غزته لره شطرنجه دائر اشکال و تعریفات و منصوبه لر درج
ایدیلور .

مجارستانده شراب شیشه لریله شطرنج اوینامق بوسنه مودا اولشدیر؛
طاشلرک انواعنه کوره جنس شراب شیشه لری دیزیلرک طاشه
مقابل شیشه قالدیرلدیجه اویونجیلر طرفندن ایچلمکده ایمش .

صیصە نەك طلب ایلدیکی بغدادیك مقدارینی ناطق جدول :

[illegible]

سمجه متوسط بولمان بغدادیك بر اوقه سنی تعداد ایلدیگمزمده ۳۲,۹۲۸ دانه حاصل اولدی . شطرنجك صوك خانه سنده حاصل اولان ۹ كنتر - یلیون كسور بغدادی ۳۲ یك كسور عدده یعنی اوقه به تقسیم ایلدیگمزم حالد ۲۸۰ تریلیون ۱۰۷ میلیار ۲۶۵ میلیون ۵۵۸ قیه به بالغ اولدی . وبو مقدار اوقه بغدادی بهری ۲۰ قیه دن عبارت اولان استانبول کیلنه تحویل ایلدیگمزمده دخی ۱۴ تریلیون ۵ میلیار ۳۶۳ میلیون ۲۷۲ یك ۶۷۷ کیل حاصل اولدی، كه كره ارضه بو مقدار بغدادیك وجودی ناقابل اینوی ادنا ملاحظه ایله ثابت اولور .

عنكبوت صیدیه متعیش بر نوع آری

حقنده معلومات طبیعه

تفصیلات آیه بی انكلكره فنون غزته زندن برینه بر مادمازل اعطا ایلشدر :

« بتاق اوطه مك كوشه ناظر بر كوشه سنده بر قاج كوندن بریدر جله مرك دقت و حیرتی موجب اولان بر عملیات انشائیه ده دوام اولمقده در . لونلری منكشه رنگنه قریب ، قنادلری غایله رقیق و وجودلری فوق الغایه نازك بیوجك ایکی آری كلكرك ، بر نوع بالچقله مذکور كوشه - ده علی العجله و بر برینی متعاقب یان یانه ایکی اسطوانه وجوده كتیردیله . بو آریلرك ارکی باغچده اولان اوافق بر (لاق) كنارندن لزوجتلی بر نوع چامور طاشیر و دبیشسی آياقزیه و آغزیه عملیاته دوام ایله غایت منتظم بر اسطوانه تشکیل ایلردی .

برنجی اسطوانه ختام بولور بولمز دبشی درونه داخل اولهرق ، قاعده داخلیه سینه بمور طلابوب چیقدی . و دبشی چیقار چیقمز ایکیسی بردن پرواز ایلدرك ، بش دقیقه صكره بقالامش اولدقلری بر عنكبوت ایله عودت